

آبونه شرائطی

ممالک عثمانیہ دہ سنہ لکی (۶۵) آلتی ،
یاغی (۲۵) غروشدر
ممالک اجنبیہ دہ سنہ لکی (۱۷) ، آلتی
آیغی (۹) فراتقدر .

ادارہ خانہ

باب عالی جادہ سندھ دائرہ مخصوصہ

اخطارات

آبونه بدلی پشیندر .

§

مسلكه موافق آثار مع المنونیه قبول
اولنور . درج ابدلہ من یازیلر اعاده
اولونماز .

الذکر المذکور

۱۳۳۰

دینی ، فلسفی ، علمی ، ادبی ہفتہ لقی مجموعہ اسلامیہ در .

صاحب و مدیر مسئول

اشرف ادیب

باش محرر

محمد عاکف

واللہ یمہدی من یشاء الی صراط مستقیم

اتبعون اهدکم سبیل الرشاد

انکلیزیه لنجا ایتدی . خدیوک اشغالدن طولانی پک امدیدد اولدیغنه بر چوققیری شهادت ایدیور . خدیو توفیق پاشا مسامت طرفداری ایدی . حتی بعض وقتلر او قدر ضعیف ایددی که در حال تسام اولوردی . بدیهیدر که خدیو حزمی و عزیمی اولایدی ، مصر چوقق تهلکه لردن قور تولوردی .

ایشته بوندن طولانی مؤرخ عراقی حادثه سی حقدده بر حکم صریح ویره من . اونک اک مهم اسراری دها حالا کیزلیدر . بونلر منکشف اولدیغی تقدیرده حکم لردر حال ده کیشیر . فقط هر حالده پک وضوحلی کورونه ن عبرت تاریخیه : « تفرقه سبب اضمحلال در » . فی الواقع عراقی لری ایله چرکسره ، خدیو ایله عراقی لری ، خدیو ایله مقام خلافت تفرقه و اختلافه دوشمه مش اولسه ایدی ؛ عراقی حادثه سی وقوع بولمازدی ، انکلیزیه مصره مداخله ایتزدی ، حکومت عثمانیه انکلیز لریک دسیسه لرینه قابیلمازدی ، توفیق پاشا انکلیز لره لنجا ایتکه مجبور اولمازدی . بو اسلام مملکتک سقوطلی تک بر علتدن واقع اولدی : تفرقه ! بالجه اسلام مملکت لریک اسباب سقوطلی ارشادیره جق اولورسه ک نتیجه تدقیقا مزدهینه تفرقه علتی کورورز ، بونک هلاجی « اتحاد » در ، « واعتصموا بحبل الله جمیماً ولا تفرقوا ... » امر سبحانیسه بلا تفریق بوتون مسلمانلرک اتباعی در ...

۱۶

انکلیز لریک دسائس استعماریه لری

انکلیز لری مصره کیرر کیرمز اشغال عسکرینک موقت اولدیغنی ، انکلیز اردوسنک تحت خدیویتی ترصین ایتک ، مصر لیلری مدنیلشدیرمک ایله مکلف اولدیغنی ، بو وظیفه نی ایفا ایدر ایتز همان مصری ، مصر لیلرک انه تسلیم ایدرک مصرک هیچ بر شوننه مداخله ایتیه جکلرینی اعلان ایتدی لری . بز بو غدارلرک بتون وعدلری برر بز تعداد ایدده جک اولسه ق قوجه جلدلر طول دور بردق . فقط بو غدر مملو نانه نک مثال لردن بر قاجنی انظار قارینه عرض ایتکه اکتفا ایدده جکز . لورد سالسبوری متمدد دفعه ل « انکلیز ناموسی مصری تخلیه ایتکی ایجاب ایتدی رر » ؛ غلادستون : « مصری تملک ایتک کوزلدر ؛ فقط بریتانیانک ویردیکی وعدینه وفا ایتسی دها کوزلدر ، دها شرف لیدر » دیدیلر . وینه بو غلادستون مصطفی کامله ۱۸۹۶ کانون نایسنده کوندردیکی بر مکتوبده دییورکه : « بئم فکرم هیچ ده کیشمدی . مصری ، ناموسمزله ، کندی منفعتنه اولارق وظیفه منزی بتیردکن صکره ، ترک ایتک بر وظیفه در . بئم نقطه نظر مه کوره . مصری تخلیه ایتک زمانی سنه لردنبری حلول ایتشدر . موقع اقتدارده ایکن بومسأله مهمه نک حل ایچون بشقه حکومتلرک مساوتنه امید وار ایدم . ۱۸۹۲ ده لوندرده فرانسز سفیری موسیو وادفتونک مسلیکی املا ریمی تقویه ایتدی . فقط بوکا رغماً مذاکرات هیچ ایلروله مدی ، حق برنجی خطوه نی آشه مادی . بونک سببی بیلیمورم .

بونی بیلیمیه جک نه وار : ناموس سزلق و غدارلق ! ایشته اک

برنجی سبب ... فقط بر چوقق مصر لیلر و قتیله الدامش لری ایدی . اسکندریه قتل عامی هر مملتک نفرت واستکراه ایدده جکی اک آلچاق وسائل ایله ترتیب ایدن ؛ عراقی حادثه سی اثناسنده ناموسی ، خدعه کارلق ، منافق لق ، دسیسه جیلک ایله لکلین انکلیز لری کویاه مصر لیلری مدنیلشدیره جک ، ایلرولته جکلرمش ! . بونلرک نه ایلدسانه بر دام فلاکت اولدیغی صوکردهن آکلاشلدی بتون اوناموس نامنه ویریلن وعدلر دیش غجیرداتان رقیلرک احتراصلرینی تسکین ایتک ایچوندی . یعنی انکلیز دیپلوما سیسی « ناموس ملی ، حیثیت ملیه » سفی الدامق اوغرنده استعمال دن چکینمز لری . انکلیز لری مصرده آتیده کی اساسلر اوزرینه مستند بر بولتیغه تعقیب ایتدی لری :

- ۱ — انکلیز لریک نفوذندن ماعدا مصرده هر نفوذی اولدورمک ،
- ۲ — خلیفه معظمک نفوذ مغنویسنی محو ایتک و دولت علیه ایله مصرک آره سنده کی رابطه لری کسمک ،
- ۳ — خدیوک حقوقی غصب ایتک ، مصر اداره سفی اله آلمق ، مصر لیلری بیوک ومهم مأموریتلردن قوغق ،
- ۴ — مصرده شورشلر ایجاد ایتک واشغالک دوامی اسبابی حاضر لامق ،
- ۵ — مصر لیلرک نامی افترالره لکه له مک ،
- ۶ — معارف اولدورمک ، ثروتی غصب ایتک .
- ۷ — وطنسز ، دینسز درلر واسطه سیله خلافت علیه بنده پروپاگاندا

یا مق و بونلری حایه ایتک ! .

بونلرک هپسی « تحت خدیویتی ترصین ایتک » برده سفی آلتیده یا بیلوردی . فقط کوریلوردی که بو هانه نک تأثیری پک اوزامیه جق . یکی مشکلاتک ایجادی لازم ایدی . بونک اوزرینه سودان مسأله سی یارادیلدی . بونی ده انشالله کله جک مقاله مزده ایضاح ایدرز .

مصری

عمر رضا

جهاد خاطرهلرندن :

بیر کتیبه اجلال

۲۹ کانون مانی ۱۳۳۰

اوکله یه داها ایکی ساعت وار . . . محترم بیر آرقاداشمه باب عالی یوقوشنده کی کتابچیلرک توزلو جامکانلری ایچنده دورغونلغک ، معیشت دارلغنک ویردیکی قیدسزلق ، اعتناسزلق ایله کلشی کوزله سریلویورمش اولان صولوق رنگلی ، محیطک بیرتورلو جانلانا مایان بی معنی ، یأس آور رغبتسزلیکنه قارشى عادتا ایچین ایچین فریاد ایدن ، عددی قدر تنوع عرض ایله یین کتابلرک آدلرینه سریع ومتجسس نظرلر فیرلاتارق ایلرله یوردق .

هوا ، له الحمد ، قارا قیشده بولونولدیغنی حس ایتدیرمه یه جک درجه ده ملایم ولطیف ؛ کونش ، وقت وقت کوزو کهرک ایصیتا مایان

اولکون ، دونوق بیرایشیق حزمه سی پوسکور بیور .
انسانلر ، تورلو احتیاج و امید پیش و پینده مهالک ، متفکر آشاغی
یوقاری اینوب چیقیورلر . اراده آجی بیر صفر ایله ، ناخوش بیر کورولتو ایله
سامعه یی ، وذهنی طیرمالایان انسان و یوک اوتوموبیللری بیر کرد باد هوا
یابراق خیزله ، قیرلانغیج سرعته کلوب کچیورلر .
اوخ ، ایشته کوشه دن حزین و مؤثر بیر هوا ترنم ایدن بیر عسکری
باندو کوروندی . سوکرا کوسکی ، عشق و ایمانک و یردیکی بیر انبساط
روح ایله شیشوب قاپاران بیر کنج ایریسنک اوموزنده دیندارانه ،
احترام پرورانه بیر وضع ایله طاشیدینی آلرنکلی ، سوره جلیله فتحک
ایلك آیه منیفه سیله مزین بیر سانجاق ، سانجاقی بیر مشی جلادت
و حماسه تعقیب ایدن بش یوزی متجاوز بیر کتیبه حیت و فداکاری ا
بالقان فاجعات مؤلمه سنک ، فرط تأثرمدن بیر چوق زمان او گولماسی
متمسرحق متعذر صاندیغم درین یارالک زهرا کین تأثیرلری آلتده
آزیش ، بزکین قلبده در حال بیر زنده لک ، بیر قدرت نو ، بیر رعشه
أملفزا بلیدی ؛ صاعلام بیر ایمان ، سونمز بیر امید رها و اعتلا
طاشیدان فتحی جانک قولنی چکدم ؛ بیزده ، آنجاق بویله کونلرده
کوروله بیلن شوهر ذی حیاته ، شو جریان مهابهته بیر آز تبعیت ایدم ،
دیدم . موسیقه ، اوقاق بیر فاصله دن سوکرا - ای غازیلر ! شرقیسی
طوتدیر اراق بوتون کوللری سرور هیجانلریله دولدیروب طاشیرمایه
باشلادی . بن آرتیق پامل ، فاروقلرک ، خالدلرک ، طارقلرک ، صلاح الدین
ایوبیلرک ارفطرو لک اوغلی عثمانجی ، ییلدیریمک ، فامک ، یاووزک ،
قانونیک جهانی تیره تن عظمتی ، احتشاملی ، حر و مسعود دورلری
پیش خیالده جانلاندیر اراق دن یوریوردم .

دکیز قیدیسندیز . باندو صول طرفده دوردی . باشلادینی هوای
میجک ترنمده بردوام . آنجاق معلم افراددن مرکب بیر قطعه ده
کوروله بیلن بیر انتظام مشیتله موکب حماسه کچیور ، کندیلرینی
وز و وفا کار یوردیمز ارلان آنادولو یاقاسنه ایصال ایدمک آرابا
و اوبرینه بینیور . واپور ، بلکه شیمدی به قدر هیچ کورمه دیکی
بیر قافله نلاوران ایله لبالب دولمشدی . موسیقه صوصمشدی .

ایشته ، بشیل چارشافلی بیر خاتون ایسکلدهن یورویه رک واپورک
یانس قدر واردی ، نه می اولدیغنی بیله مه دیکم بیر آرسلائی آراتوب
بولدیردی . چارشافنک آلتدن چیقاردینی بیر بوغچه جق ایله آل بیر
منسیدل ویره رک ، صمیمی دعالر ایدره رک اوزاقلاشدی . اوتنه دن
اوزون بویلو ، قیرچیل صاقالی ، آبابی صارقلی بیر مسلمان ، واپورک
داوولومبازینه ، شایان حیرت بیر چویکلکله طیرما اراق قابودان محله
قدر چیقدی ، آرادینغی بولاراق بیر فشنگک تودیع ایتدی ، بیری بیرینه
صاریلوب دو یا دو یا قوقلاشدیلر ، طاتی کوز یاشلریله آیریلدیلر .
صاعمه پیدا اولان آتی ، یدی یاشنده تخمین ایله دیکم بیر یاوورجاق ،
آلندن طوتان ذاته کوردکلرندن ملهم بعض سؤاللر ایرادینه قالمیشدی :

— بک بابا ، بو واپوره بئینلرکیم ؟

— یاوورم ، بو کوردیکک قهرمانلر دین و وطن ، خلیفه و ملت
اوغورنده کوللو اولاراق جنک میداننه قوشان ، جان ویره رک شان
آمایه عزیم ایدن جانمزدن عزیز قارداشلریمز ؛
— بیزم اک بویوک دشمنمز ظالم موسقوفلر دکیلمی ؟ نه اولور ،
سویله سه کزده بو آغا بکلرم بیزم یوزلرجه ییلق او جزی اولردن
آلسالردی . . .

— ذاتا اولرده ، ملعون دشمنلریمزدن حدسز ظلملرک حسابی
صورمایه کیدیورلر .

اعتسالیله بو یودیلدیکنه امین اولدیغم بومینی مینی ، واپورک
اورتاسنده دالغالانان آی ییلدیزی رایتک اوزرنده کی یازی یی قولایلقله
او قویا ییلدی : کونان کوللو افرادی . . .

— بک بابا ، یاو قهوه رنگی قطیفه آلبسته کینمش ، قیلیجی
بویندن آصیلی کیم ؟

— او ، بو کوردیکک فدائیلرک باشی ، آمری ؛ چرکس بکر
بک ، دیورلر .

آرقالرنده ، بو طاتی محاوره یه نم کبی قولاق مسافری اولان
یوزی نورلو بیر خواجه علاوه ایتدی : بکرک یوره کلی ، ایمانی
پریکتدر . چفتلک ، ثروت و سامان صاحبی در . اک بویوک ذوق
ارک ، مردلک یولنده صاواشماقده بولمشدر . بو همومی دو کوندن کری
قالما یی ارککلککه بیره مه دی . . الله ، جمله سنک معنی اولسون ! . . .
صولزده آق صاقالی یتمشلک بیر اختیار ، واپورده کیلردن اوج
قهرمانی تیره ک آیله کوستره رک : ایشته اولر نم قارداشلرم . بالقان
حر بنده جاوید یاشا قولنده ایدیلر . شیمدی اوچی ده کوللو اولارق ،
بیزی عصرلردنبری راحت قومایان ، محرابی بیقماق ، ناموسمزی
پامال ایتک ، نسلمزی سوندورمک حرص و حشیانه سندن بیر تورلو
وازچکمه یین غدار موسقوفلردن انتقام آمایه کیدیورلر . بن ، قیش
آیلری کیردی کیرلی گیفسز یاتیورم . بورایه قدر زورله کله بیلدم .
یورومه یه ، بوغوشمایه مجالم اولسایدی بو بویوک دو کونه اولرله برابر
مطلقا قاریشیر دم . . کواکنده کی جوهر ایمان و اخلاصک قوت و صلابته
متحیر و مفتون قالدیغم بو اختیار ، طاش کورولو احمد چاوش یاغزدن
اوزاقلاشیرکن حار و مهتر بیر لسان ایله :

— اوو . . ف ، دشمنله جنککشمه یه دو یامادم ؛ دییه رک بیزده کی امید
خلاص و سلامتی بیردرجه داها تقویه ایله دی .

آرتیق واپورک حرکت زمانی کلشدی ، موسیقه ویریلن اشارت
اوزرینه اوج دفعه سلام هواسنی ترنم ایتدی ، دعای پادشاهی اطراف
چین چین اوتوردی . واپور ، آریلق دودو کفی صیق صیق چالاراق
ساحلدن آهسته آهسته آریلرکن موسیقه حب دین و وطن ایله مشحون
یورکره آلولی آتشلر سالان (ای غازیلر ! . .) شرقیسیله . .
بیکرجه خلق رنگارنگ مندیللر سالاراق ، کوزلردن دموع مسرت
آقیداراق ، خیری دعالر ایدره رک یاقینده ظفر و فتح مزده لریله متحسر
قلبلره آب تسلیت و افتخار سر به جک اولان — مدافعه ملیه نک بکرکلین

سکه پوش مجاهدلر زمره سی بوگون، جنت مقر فاتح مصر یاووز سلطان سلیم خان حضرتلرینک تربه شریفه سی زیارتله روح پرفتوحه عرض تحیات ایندیله. سوگیلی پادشاهمز آفندیمز حضرتلرینک، و یوز بیکارجه دین قارداشلرینک صمیمی، خیرلی دعا لرینی آ لاراق انیا و اولیامه دینه، اسلام مطلعنه متوجهاً شهر مزدن مفارقت ایله دیلر .

حق ، اولرله ، و دشمنلریمزله آرسالانلر کچی چارپیشان مرد اخوانمزه سلامت و موفقیت احسان بو یورسون ، آمین .

حافظ ابراهیم

بشکطاش

قَطْبُ بَوَات

وحدت اسلامیة

قومیتچیلر نه دیوردی ، حادثات نه کوستردی !

قومیتچیلرک دعوالرینی « اسلامیته دعوی قومیت » عنوانلی اترك ۷-۸ نجی صحیفه لرنده خلاصه درج ایندکن سوکرا جوابآده دیمشدک که :

— دعوی قومیت و جنسیت شرعاً مذموم و مردوددر . تعمیر شرعیسی وجهله بر دعوی جاهلیتدر . اسلامک قوام و بقاسنه ، مسلمینک رفاه و سعادتنه اک مدهش ضربه در . باخصوص همان هان بوتون دیار اسلام دیار کفره انقلاب ایتمشکن بوراده کی بر آووج مسلمانک بن ترک ، بن عرب ، بن کردم ، بن لازم ، بن چرکسم کچی داعیه لرله یکدیگره قارشوی ذره قدر روابط محبتی کوشتمه لری — هله دشمنلریمزک پای تجاوزی تا قلبکاهمه باصدینی بر صیراده — جنتدر . و عصیت قومیه بپراغنی اللرنده طوتانلرک آلدینی معناجهده وطن پرورلکه منافیدر . دین و ایمان ، عقل و اذعان ساحه سندن تباعد ایدلسه بیله سعادت قومیه سراب مغفلی آردنده قوشان آرناوود قارداشلریمزک باشنه کان مصیبت عظمی بزه مدهش بر درس عبرتدر . عینی اسباب عینی نتایجی تولید ایدر قاعده طبعیه و معقوله سنه بناء بو مسلکده دوام ایتدیکنز تقدیرده ارکج بزمده باشمزه کله جک مصیبت بودر .

بونلر صلح زماننده جریان ایدن علمی مناقشه لر ایدی . بارقه حقیقتک لمعانی ایچون فکرلرک بومصادمانی فائده سنز دکلدی . اغراض شخصیه دن تمامیه معرا اولان بومدافعهلر ده او وقت افکارک تنویرینه خیلی خدمتار ایتدی . بونشریات ایله طرفینک نقاط نظری اولدقجه توضیح ایلدی . یالکیز حکم قالیوردی که اونیده حادثات ویرمکده

کچی کیدروب قوشاتدینی — بووردک اوز و اوز اولدالرینی تشییع ایله یوردی .

سونجه دوزکن روحده بیر عقده ألم پیدا اولمشدی : عجزیمی اونوتارق ناقص و سونوک بیر تعریفی یایمادن کسیدی آلامادیم بولوحه غرا ، ذره لر دن آفتابلر ، مخلص آبدلر خلق و ابداع ایدن قدرتلی ، صنمکار شاهلریمزک ، ادیبلریمزک قلم دهالریله تثبیت و تابد ایدیه مدن اوچیش کونلک فانی بیر یاشاییشن سوکرا مؤبد آسونوب محکوم نسیان اولماسی ! . . .

مولوی کوکلورلی

— ۳۱ کانون ثانی ۱۳۳۰ —

هوا ، فصل ربيعك صوك گونلرنده کی قدر جید و روح پرور ؛ یعدلیای صانمک ایجاد و افتاد ایله دیکی تیر طلمتاب آجیق ، نیلگون سمای فیض رحمتدن آفاق شهره فروغلر ، ایتساملر سرپیور . آجی ، طاتلی بیگرجه شتون و وقایعه محنه جریان اولمش اولان باب عالی جاده سی ، اولکی گونکی کچی ، یینه جوشان و خروشان بیر موکب ظفر موعودک بانک الوهیت قرینه معکس . گذر گهده کی عمومی ، خصوصی بالجمله مبانی . . . دکانلر ، تجارتخانه لر آلی بیاضلی ، نجم و هلال ایله پیرایه دار بپراقلرله دوناتیلمش . .

جهان معالی اسلامک فروزان بر مهر عرفان و فیض آکینی اولان حضرت مولاناک سحر والهی نوانای نالان عشقندن اقتباس ذرات و جذبات ایله بن مولوی کوکلورلینک ، بوگون غلغلات تکبیر و تهلیل ایله تیزه توب ایکنه ندکاری پای تخت جاده لری مشی امکانسز قیلاجق درجهده برجم غفیر ایله دولوب طاشمشدی .

بن بوگون ، عین امل اعتلا ایله متهیج بوتون بیر روح کسین دارالخلافه نك نامسبق شوق و تهالکی قارشینده سرور دوجهانک ، چهاریار گزینک ، خلفا و سلاطین عظامنک تاریخ سطوت و مفضلتمزده کی مؤبد ولایوت منقبه لرینک شاهد و قوعی اولان مستننا گونلری ، اشتیاق و هیجانله آگراق سویندم .

مقر خلافت و سلطنتدن نیل مبارکک ریان قیلدینی دیار معززه اسلامه دوغرو ، زمزمه دار بر جو بیارحماست شکنده آقوب گیده جک و اوخطه متحسره یه یاقلاشدیقجه تزیید عظمت و مهابت ایدو جک اولان بو کوکبه موحدینک ، حب الہی به تجلیگه اولان قلوب متحسرهده حصوله کتیردیکی تاثیر غشی آوری دویماق و تصور ایدو بیلدک ایچون کیلومتره لرجه اوزایان رهگذاری باشن باشه قطع و مشاهده ایله مک کرک ایدی .

فریضه مقدسه جهادی ، خلیفه ذیشانمزک احسان بووردقلری رایت جایله نك متموج سایه کسگوننده شاد و خندان ادایه عزم ایدن